



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON**

**MINISTARSTVO ZA POLJOPRIVREDU,  
ŠUMARSTVO I VODOPRIVREDU**

**UPUTSTVO  
o utrošku sredstava Budžeta Zeničko-dobojskog kantona  
za podsticanje proljetne sjetve za 2022. godinu**

Zenica, april 2022. godine

Na osnovu člana 56. stav 2. i člana 68. stav 2. Zakona o organizaciji organa uprave u Federaciji BiH ("Službene novine Federacije BiH", broj: 35/05) i Programa utroška sredstava Budžeta Zeničko-dobojskog kantona za podsticanje proljetne sjetve za 2022. godinu, usvojenog Zaključkom Vlade Zeničko-dobojskog kantona broj: 02-11-5382/22, ministar Ministarstva za poljoprivredu, šumarstvo i vodoprivredu Zeničko-dobojskog kantona donosi:

**U P U T S T V O**  
**o utrošku sredstava Budžeta Zeničko-dobojskog kantona**  
**za podsticanje proljetne sjetve za 2022. godinu**

Ovim Uputstvom propisuju se uslovi koje moraju ispuniti poljoprivredni proizvođači (fizička lica, zadruge, obrti i pravni subjekti), (u daljem tekstu: Korisnici) za ostvarivanje prava na podršku za podsticanje proljetne sjetve u 2022 godini, vrste i obim poljoprivredne proizvodnje koja se potiče, postupak, potrebna dokumentacija i drugi podaci, te način utroška rezerve.

Podržavaju se sljedeće poljoprivredne proizvodnje:

1. Podrška za ostvarenu poljoprivrednu proizvodnju (biljna proizvodnja) u 2021. godini po osnovu Pravilnika o načinu i uslovima ostvarivanja novčane podrške po modelu poticaja proizvodnji („Službene novine Federacije BiH“, broj: 32/17, 34/17-ISP, 55/17, 56/18, 24/20 i 32/21) odobrenih iz Budžeta Federacije BiH za 2021. godinu
2. Podrška za ostvarenu poljoprivrednu proizvodnju u plastenicima i staklenicima u 2021. godini po osnovu Programa utroška sredstava Budžeta Zeničko-dobojskog kantona za poticaje u poljoprivredi za 2021.godinu
3. Podrška za zasnovane nove zasade u 2021. godini jagodičastog voća po osnovu Programa utroška sredstava Budžeta Zeničko-dobojskog kantona za poticaje u poljoprivredi za 2021.godinu
4. Podrška za zasnovane nove zasade u 2021. godini koštičavog, jabučastog i jezgrastog voća po osnovu Programa utroška sredstava Budžeta Zeničko-dobojskog kantona za poticaje u poljoprivredi za 2021.godinu

## **1. OPĆE ODREDBE**

Pravo na ostvarenje podrški imaju Korisnici koji obavljaju poljoprivrednu proizvodnju na teritoriji Zeničko-dobojskog kantona i imaju stalno mjesto prebivališta, odnosno sjedište na području Zeničko-dobojskog kantona.

Korisnici moraju biti upisani u Registar poljoprivrednih gazdinstava (RPG) ili Registar klijenata (RK) kod nadležne općinske/gradske službe prema mjestu prebivališta ili prema sjedištu i moraju ažurirati podatke za tekuću godinu do propisanog roka.

Ukoliko su Korisnici promijenili račun ili banku dužni su dostaviti potvrdu za novi račun u roku od osam dana od objave ovog Uputstva na web stranici Zeničko-dobojskog kantona (u daljem tekstu: Kanton).

Novčanu podršku za podsticanje proljetne sjetve za 2022. godinu iz Budžeta Zeničko-dobojskog kantona, ne mogu ostvariti oni podnosioci zahtjeva koji prema raspoloživim podacima Ministarstva za poljoprivredu, šumarstvo i vodoprivredu nisu izmirili obaveze prema Zeničko-dobojskom kantonu.

Ukoliko postoje osnovane sumnje da postoje nepravilnosti, Ministarstvo zadržava pravo da obavi poseban uviđaj i kontrolu. O provedenoj kontroli službenici će sačiniti zapisnik na mjestu proizvodnje, a rok u kojem se može sačiniti zapisnik u svrhu ove kontrole uključuje vremenski okvir do maksimalno jedne godine od dana donošenja odluke o odobravanju sredstava.

Druge vrste nadzora koje su izvan djelokruga poslova ovog organa uprave ne podliježu ovim rokovima.

Ukoliko Ministarstvo ili neki drugi nadležni organ utvrdi da je nakon odobravanja sredstava i/ili isplaćenih sredstava iz Budžeta Zeničko-dobojskog kantona, korisnik ostvario podršku za poljoprivrednu proizvodnju ili djelatnost na osnovu protuzakonitih radnji koje su naknadno ustanovljene, ili suprotne odredbama ovoga Uputstva, uputit će prema Vladi Zeničko-dobojskog kantona prijedlog zaključka za povrat odobrenih i isplaćenih sredstava ili prijedlog zaključka o stavljanju van snage zaključka o odobrenim sredstvima sa zabranom ostvarivanja prava na novčana sredstva iz Budžeta Zeničko-dobojskog kantona za poticaje u poljoprivredi u narednih pet godina.

## **2. POSEBNE ODREDBE**

### **2.1. Podrška za ostvarenu poljoprivrednu proizvodnju (biljna proizvodnja) u 2021. godini po osnovu Pravilnika o načinu i uslovima ostvarivanja novčane podrške po modelu poticaja proizvodnji iz budžetskih sredstava Federalnog ministarstva poljoprivrede, vodoprivrede i šumarstva**

Podrška za podsticanje proljetne sjetve za 2022. godinu za ovu proizvodnju iznosi 350 KM/ha, a površina za obračun je površina koju je proizvođač imao u 2021. godini. Maksimalan iznos za isplatu iznosi 20.000,00 KM za jednog korisnika. Obračun i isplata će se obaviti prema spiskovima korisnika sa federalnog nivoa koji su ostvarili pravo na podršku u 2021. godinu za proizvodnju silažnog kukuruza, merkantilnog kukuruza, strnih žita i višegodišnjih zasada voća i vinove loze.

### **2.2. Podrška za ostvarenu poljoprivrednu proizvodnju u plastenicima i staklenicima u 2021. godini po osnovu Programa utroška sredstava Budžeta Zeničko-dobojskog kantona za poticaje u poljoprivredi za 2021. godinu**

Podrška za podsticanje proljetne sjetve za 2022. godinu za ovu proizvodnju iznosi 500 KM/dunumu, a površina za obračun je površina koju je proizvođač imao u 2021. godini. Maksimalan iznos za isplatu iznosi 8.000,00 KM za jednog korisnika. Obračun i isplata će se obaviti prema spiskovima korisnika koji su ostvarili pravo na podršku u 2021. godini za ostvarenu proizvodnju u plastenicima i staklenicima, a nakon provjere ažuriranih podataka u RPG ili RK za 2022. godinu.

### **2.3. Podrška za zasnovane nove zasade u 2021. godini jagodičastog voća po osnovu Programa utroška sredstava Budžeta Zeničko-dobojskog kantona za poticaje u poljoprivredi za 2021. godinu**

Podrška za podsticanje proljetne sjetve za 2022. godinu za ovu proizvodnju iznosi 300 KM/dunumu, a površina za obračun je površina koju je proizvođač zasnovao u 2021. godini. Maksimalan iznos za isplatu iznosi 8.000,00 KM za jednog korisnika. Obračun i isplata će se obaviti prema spiskovima korisnika koji su ostvarili pravo na podršku u 2021. godini za zasnivanje novih zasada jagodičastog voća, nakon provjere ažuriranih podataka u RPG ili RK za 2022. godinu.

### **2.4. Podrška za zasnovane nove zasade u 2021. godini koštičavog, jabučastog i jezgrastog voća po osnovu Programa utroška sredstava Budžeta Zeničko-dobojskog kantona za poticaje u poljoprivredi za 2021. godinu**

Podrška za podsticanje proljetne sjetve za 2022. godinu za ovu proizvodnju iznosi 300 KM/dunumu, a površina za obračun je površina koju je proizvođač zasnovao u 2021. godini. Maksimalan iznos za isplatu iznosi 8.000,00 KM za jednog korisnika. Obračun i isplata će se obaviti prema spiskovima korisnika koji su ostvarili pravo na podršku u 2021. godini za zasnivanje novih zasada jagodičastog voća, a nakon provjere ažuriranja podataka u RPG ili RK za 2022. godinu.

### 3. REZERVA

Rezerva je namijenjena za Korisnike u biljnoj proizvodnji koji znatno povećaju proizvodnju u odnosu na proizvodnju ostvarenu u 2021. godini (minimalno povećanje od 50%), za Korisnike u biljnoj proizvodnji (strna žita, merkantilnog kukuruza, krmnog bilja i povrća – jedne kulture) koji nisu ostvarili pravo na podršku sa federalnog ili kantonalnog nivoa u 2021. godini, a ostvare proizvodnju na minimalnoj površini od 1 ha/jedne kulture u 2022 godini.

Maksimalan iznos podrške je do 350 KM/ha. Pravo na ova sredstva ostvaruju Korisnici koji ispune uslove propisane Pravilnikom o načinu i uslovima ostvarivanja novčane podrške po modelu poticaja proizvodnji („Službene novine Federacije BiH“, broj: 32/17, 34/17-ISP, 55/17, 56/18, 24/20 i 32/21), a nakon utvrđivanja proizvodnje na terenu u sklopu kontrole zahtjeva za ostvarivanje federalne podrške u 2022. godini.

Za ostvarivanje prava iz rezerve podnosilac zahtjeva Ministarstvu dostavlja u originalu ili ovjerenoj kopiji sljedeću dokumentaciju:

1. listu korištenja,
2. kopiju katastarskog plana,
3. dokaz o nabavci sjemena (račun ili otpremnicu sa navedenom količinom i vrstom sjemena),
4. potvrdu banke o otvorenom i aktivnom računu (za nove korisnike).

Zahtjev se podnosi na protokol Zeničko-dobojskog kantona na obrascu koji je sastavni dio ovog Uputstva.

Rok za podnošenje zahtjeva je 15 (petnaest) dana od dana objavljivanja ovog Uputstva na web stranici Zeničko-dobojskog Kantona.

Službenik Ministarstva će provjeriti dostavljenu dokumentaciju, izvršiti provjeru u registrima i na terenu provjeriti prijavljenu površinu i konstatovati zapisnički zasnovanu poljoprivrednu proizvodnju.

Ovo Uputstvo stupa na snagu danom objavljivanja na web stranici Zeničko-dobojskog kantona, [www.zdk.ba](http://www.zdk.ba).

Broj: 05-11-5382-1/22

Datum: 07.04.2022. godine



MINISTAR

Mirsad Hadžić

**Z A H T J E V**

za ostvarivanje prava na podršku za proljetnu sjetvu

<b>Općina/Grad</b>														
<b>Ime i prezime</b>														
<b>JMBG</b>														
<b>Adresa</b>														
<b>Kontakt telefon</b>														
<b>Naziv pravnog lica ili obrta</b>														
<b>ID broj pravnog lica ili obrta</b>														
<b>Adresa</b>														
<b>Kontakt telefon</b>														
<b>Broj RPG</b>								<b>Broj RK OBAVEZNO</b>						
<b>Vrsta proizvodnje za koju se kandiduje</b> (navesti naziv proizvodnje za koju je podnesen zahtjev)														
<b>Površina (m<sup>2</sup>)</b>														
<b>Priložena dokumentacija: (obavezno upisati dokumentaciju koja je priložena uz zahtjev)</b>	1.													
	2.													
	3.													
	4.													
	5.													
	6.													
	7.													
	8.													
	9.													
	10.													
	11.													
	12.													
		<b>Vlastoručni potpis podnosioca zahtjeva:</b>												

\*Zahtjev se taksira sa 3 (tri) KM Kantonalne administrativne takse.

\* Shodno članu 5. stav (2) Zakona o zaštiti ličnih podataka („Službeni glasnik BiH“, broj: 49/06 i 76/11) dajem saglasnost da se moji lični podaci mogu obrađivati od strane Ministarstva za poljoprivredu, šumarstvo i vodoprivredu Zeničko-dobojskog kantona za realizaciju Programa utroška sredstava Budžeta Zeničko-dobojskog kantona za podsticanje proljetne sjetve za 2022. godinu.